

Na osnovu člana 32. Zakona o javnim nabavkama Bosne i Hercegovine, („Službeni glasnik BiH“ 39/14), a nakon provedenog otvorenog postupka nabavke roba: „LOT 2042 - DIZEL BAS EN 590 (10 ppm)“, sa sukcesivnom isporukom za potrebe KJKP „Gradski saobraćaj“ d.o.o. Sarajevo, zaključuje se

OKVIRNI SPORAZUM

O NABAVCIMA ROBE: „LOT 2042 - DIZEL BAS EN 590 (10 ppm)“

Između :

1. Kantonalno javno komunalno preduzeće „Gradski saobraćaj“ d.o.o.Sarajevo, Sarajevo, ul. Srđana Aleksića br. 1, Sarajevo, ID broj: 4200055640002, PDV broj: 200055640002, transakcijski račun broj: 1540012000237552 kod Intesa Sanpaolo banka Sarajevo, koga zastupa V.d. Generalni direktor mr.sci Almir Ahmetspahić, s jedne strane / u daljem tekstu: Ugovorni organ/ i
2. „ALMY“ d.o.o. Zenica, ul. Vrandučka bb, Zenica, ID broj: 4218149030000, PDV broj: 218149030000, transakcijski račun: 1610-55000-6660052 kod Raiffeisen Bank, koga zastupa Direktor Almir Begić, s druge strane (u daljem tekstu: Dobavljač)

I PREDMET OKVIRNOG SPORAZUMA

Član 1.

Ovim Okvirnim sporazumom ugovorene strane regulišu okvirna pitanja vezana za realizaciju nabavke robe:“ LOT 2042 - DIZEL BAS EN 590 (10 ppm)“.

Član 2.

Predmet ovog sporazuma je sukcesivna nabavka roba: „LOT 2042 - DIZEL BAS EN 590 (10 ppm)“ od dobavljača „ALMY“ d.o.o. Zenica, kojem je na osnovu Ponude broj: 85/20 / 11966 od 09.09.2020. godine/ dodijeljen Okvirni sporazum Odlukom Ugovornog organa broj: 04/354 od 16.09.2020. godine, postupak proveden po otvorenom postupku javne nabavke pokrenut Obavještenjem o nabavci broj: 257-1-1-116-3-149/20 od 08.07.2020. godine na portalu Agencije za javne nabavke i u „Službenom glasniku BIH“ broj: 42 od 17.07.2020. godine.

II CIJENA, OBRAČUN, PLAĆANJE

Član 3.

- (1) Dobavljač se obavezuje da će Ugovornom organu isporučiti robu iz Člana 1. ovog Sporazuma, pod uslovima i kao što je naznačeno u prilogu ovog Okvirnog sporazuma (Aneks 2, Aneks 3 i Aneks 8), koji čine njegov sastavni dio.
- (2) Vrijednost nabavke po ovom Okvirom sporazumu za period od 12 /dvanaest mjeseci) iznosi **5.118.760,00 KM bez PDV-a**, odnosno **5.988.949,20 KM sa uračunatim PDV-om**.
- (3) Jedinična cijena iznosi: **1,46 KM/lit bez PDV**, odnosno **1,7082 KM/litar sa PDV**, kao što je naznačeno u prilogu ovog Okvirnog sporazuma - Aneks 2 koji je sastavni dio sporazuma.
- (4) Okvirni sporazum se zaključuje na period od 1 (jedne) godine, od dana zaključenja sporazuma, odnosno maksimalne financijske vrijednosti Okvirnog sporazuma navedene u stavu (2), dok će se pojedinačni ugovori zaključivati sukcesivno prema potrebama Ugovornog organa

Član 4.

- (1) Na osnovu ovog Okvirnog sporazuma ugovorne strane će zaključiti pojedinačne ugovore kojima će se bliže regulisati prava i obaveze za realizaciju ovog Okvirnog sporazuma.
- (2) Pojedinačni ugovori zaključivati će se sukcesivno, prema potrebama Ugovornog organa.
- (3) Pojedinačne nabavke, odnosno Ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi.
- (4) Sve što nije regulisano ovim sporazumom ili pojedinačnim ugovorom sklopljenim na temelju ovog sporazuma primjenjivat će se odgovarajuće odredbe Zakona o obligacionim odnosima.

III GARANCIJA ZA DOBRO IZVRŠENJE POSLA

Član 5.

- (1) Garancija za uredno izvršenje posla treba da glasi na iznos 10% vrijednosti Okvirnog sporazuma (bez PDV-a).
- (2) Garancija se obavezno dostavlja u formi bezuslovne bankovne garancije propisane Pravilnikom o formi garancije za ozbiljnost ponude i izvršenje ugovora („Službeni glasnik BiH“ br. 90/14). Period važenja garancije je 15 (petnaest) mjeseci od dana potpisivanja Okvirnog sporazuma.
- (3) Garancija za uredno izvršenje posla se predaje u roku od 15 dana od dana zaključivanja Okvirnog sporazuma. U slučaju da izabrani Dobavljač ne dostavi garanciju za uredno izvršenje Okvirnog sporazuma, zaključeni Okvirni sporazum se smatra apsolutno ništavnim.

Član 6.

U okviru perioda važenja Okvirnog sporazuma koji je naveden u Članu 3. za pojedinačne nabavke neće se primjenjivati odredbe propisa kojima se uređuje postupak javne nabavke.

Član 7.

- (1) Cijene iz ovog sporazuma su promjenjive u toku važenja Okvirnog sporazuma.
- (2) Cijena goriva će biti u svakom pojedinačnom Ugovoru određena na osnovu konačne cijene nakon E – aukcije, korigovane za procenat promjene prosječne cijene Agencije za statistiku BiH od dana zaključivanja Okvirnog sporazuma do dana određivanja cijene za predmetni ugovor. Podaci o prosječnim cijenama biće preuzeti sa web stranice Agencije za statistiku BiH <http://www.bhas.ba/saopstenja>. Procenat promjene prosječne cijene od strane Agencije za statistiku BiH računa se kao odnos razlike zadnje objavljene prosječne cijene goriva Agencije za statistiku BiH u odnosu na dan potpisivanja pojedinačnog Ugovora i prosječne cijene goriva koja je bila važeća u momentu zaključivanja Okvirnog sporazuma i prosječne cijene goriva objavljene od strane Agencije za statistiku BiH koja je bila važeća u momentu potpisivanja Okvirnog sporazuma, a prema sljedećem obrascu:

$$C_{ug} = C_{dob} \times [1 + (C_{pug} - C_{pos}) / C_{pos}]$$

Gdje je:

- C_{pos} [KM/litar] – prosječna cijena goriva posljednja objavljena na web stranici Agencije za statistiku BiH prije potpisivanja Okvirnog sporazuma;

- *Cpug [KM/litar]* – prosječna cijena goriva posljednja objavljena na web stranici Agencije za statistiku BiH prije potpisivanja pojedinačnog Ugovora;
- *Cdob [KM/litar]* – konačna cijena goriva dobavljača nakon e-aukcije;
- *Cug [KM/litar]* – cijena goriva u pojedinačnom Ugovoru.

III MJESTO, ROK, NAČIN ISPORUKE I KVALITET ROBE

Član 8.

- (1) Dobavljač se obavezuje da će robu koja je predmet ovog Okvirnog sporazuma isporučiti Ugovornom organu **u roku 24 sata od prijema narudžbe /pismenog zahtjeva i definisanih potreba/, DDP benzinska pumpa ul. Srđana Aleksića 1, Saarjevo.**
- (2) Dobavljač će isporučivati, a Ugovorni organ preuzimati ugovorenu robu sukcesivno, prema dispoziciji Ugovornog organa, a na temelju narudžbenice / pismenog zahtjeva za određenu količinu robe.
- (3) Dobavljač je dužan, čitavo vrijeme trajanja okvirnog sporazuma, da osigura prevoz do skladišta Ugovornog organa na lokaciji iz stava (1) ovog člana, te da uz svaku isporuku roba dostavi i odgovarajuću potvrdu (certifikat) o kvaliteti roba, koji izdaje nadležna institucija.
- (4) Dobavljač se obavezuje da prilikom isporuke roba koristi cisterne (prevozno sredstvo) koja mora imati važeći certifikat o kalibraciji, opremljenu sa elektronskim mjerilom za protok goriva i ispravnim crijevima za pretakanje goriva i pumpom za istakanje. U slučaju da se u toku pretakanja ustanovi propuštanje goriva na crijevu za pretakanje, Ugovorni organ ima pravo izvršiti obustavu istakanja i cisternu vratiti Dobavljaču. Svu štetu koja nastane na podlozi i drugim dijelovima objekta uzrokovanu propuštanjem crijeva i spojeva dobavljač je dužan sanirati o svom trošku. Prilikom isporuke goriva Dobavljač će sa Ugovornim organom usaglasiti količinu primljene robe na otpremnici Dobavljača, po osnovu utvrđenog stanja ugrađenih mjernih sondi, što će se evidentirati i u zapisniku o prijemu robe.
- (5) Dobavljač se obavezuje da će gorivo koje je predmet isporuke biti kvalitete utvrđene važećim propisima o kvaliteti istog u Bosni i Hercegovini.
- (6) Dobavljač se obavezuje da će vršiti redovnu kontrolu kvalitete goriva kod ovlaštene laboratorije uz certifikat o izvršenoj analizi kvaliteta goriva.
- (7) Ugovorni organ ima pravo kontrole kvaliteta goriva putem ovlaštene laboratorije za kontrolu kvaliteta. Ukoliko se ustanovi da kvalitet isporučene robe nije u skladu sa propisanim standardom koji reguliše predmetnu oblast Ugovorni organ nije obavezan platiti isporučenu robu.

Član 9.

- (1) Kvalitativni i kvantitativni prijem robe iz ovog sporazuma Ugovorni organ se obavezuje obaviti odmah po prijemu i istovaru robe. U slučaju da Ugovorni organ pri prijemu robe utvrdi da roba na bilo koji način ne zadovoljava, istu će odmah vratiti i tražiti isporuku nove u najkraćem mogućem roku.
- (2) U slučaju da Ugovorni organ naknadno utvrdi razliku u isporučenoj količini ili da roba nije original proizvod proizvođača kojeg je dobavljač naveo u ponudi Ugovorni organ će sačiniti komisijski zapisnik kojeg će najkasnije u roku tri dana dostaviti dobavljaču radi otklanjanja uočenog nedostatka.

- (3) Ukoliko nastane šteta za Ugovorni organ po osnovu stava (1) ovog člana, dobavljač je obavezan nadoknaditi svu nastalu štetu Ugovornom organu a prema procjeni stručne Komisije Ugovornog organa.

IV ZAVRŠNE ODREDBE

Član 10.

Odredbe ovog Okvirnog sporazuma ne mogu se mijenjati nakon njegovog zaključivanja u pogledu vrijednosti ili maksimalnih okvirnih količina navedenih u Tehničkim podacima i elementima ponude (Aneks 3).

Član 11.

Ukoliko Dobavljač u toku realizacije pojedinačnih ugovora o nabavci robe na bilo koji način neuredno ispunjava preuzete ugovorne obaveze, a naročito u pogledu utvrđenih rokova isporuke, kvaliteta i kvantiteta robe koja je predmet ovog Okvirnog sporazuma, Ugovorni organ ima pravo aktivirati Garanciju za uredno izvršenje posla.

Član 12.

Sve eventualne sporove ugovorne strane će rješavati mirnim putem, a ukoliko to nije moguće za rješavanje spora nadležan je Općinski sud u Sarajevu.

Član 13.

- (1) Ovaj Okvirni sporazum stupa na snagu danom potpisivanja obje ugovorne strane.
- (2) Obje ugovorne strane će ovaj Okvirni sporazuma potpisati istog dana

Član 14.

Ovaj okvirni sporazum sačinjen je u četiri /4/ primjerka, od kojih Ugovorni organ zadržava tri /3/ primjerka, a Dobavljač jedan /1/ primjerak.

SUPOTPISNIK:

Zoran Miljuš



Za DOBAVLJACA
DIREKTOR
Almir Begić



Za UGOVORNI ORGAN
GENERALNI DIREKTOR
mr.sci. Almir Ahmetpahić



Broj: 1806-20-AB

Broj: 15031

Datum: _____

Datum: 06-11-2020

